



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-11-4-2696-3

Dana: 02.07.2021. godine

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16, 26/19, 31/19 i 39/20) i čl. 14. i 70. Zakona o javnim nabavkama BiH („Službeni glasnik Bosne i Hercegovine”, broj 39/14) i preporuke Komisije za javne nabavke Ministarstva unutrašnjih poslova Kantona Sarajevo za 2021. godinu, imenovane Rješenjem broj 05-1-30-1-2423 od 10.05.2021. godine u postupku javne nabavke higijensko-potrošnog materijala za potrebe Ministarstva unutrašnjih poslova Kantona Sarajevo“, ministar unutrašnjih poslova Kantona Sarajevo, **d o n o s i**

O D L U K U

o izboru ponuđača za nabavku higijensko-potrošnog materijala za potrebe Ministarstva unutrašnjih poslova Kantona Sarajevo

I

Na osnovu Odluke broj 01-11-4-2696 od 26.05.2021. godine i Obavještenja o nabavci broj 1364-1-1-21-3-15/21 od 02.06.2021. godine, proveden je otvoreni postupak nabavke higijensko-potrošnog materijala za potrebe Ministarstva unutrašnjih poslova Kantona Sarajevo.

Za postupak predmetne javne nabavke predviđeno je potpisivanje Okvirnog sporazuma sa jednim dobavljačem, na period od dvije godine.

Od strane Komisije za javne nabavke je, shodno Zakonu o javnim nabavkama BiH, primjenjujući kriterij "najniža cijena", data preporuka da se donese Odluka o dodjeli okvirnog sporazuma na dvije godine, ponuđaču R&S d.o.o. Sarajevo u iznosu od 154.276,64 KM bez PDV-a (stotinupedesetčetiri hiljadedvjestotinesedamdesetšest i 64/100 KM).

II

Po okončanju roka za žalbu, ugovorni organ će pozvati izabranog ponuđača radi zaključivanja ugovora o javnoj nabavci, kojim će se regulisati međusobna prava i obaveze.

III

Ova odluka stupa na snagu danom donošenja.



Obrazloženje

Na osnovu Odluke broj 01-11-4-2696 od 26.05.2021. godine i Obavještenja o nabavci broj 1364-1-1-21-3-15/21 od 02.06.2021. godine, proveden je otvoreni postupak nabavke higijensko-potrošnog materijala za potrebe Ministarstva unutrašnjih poslova Kantona Sarajevo.

Za postupak predmetne javne nabavke predviđeno je potpisivanje Okvirnog sporazuma sa jednim dobavljačem, na period od dvije godine.

Javno otvaranje ponuda izvršeno je dana 24.06.2021. godine, sa početkom u 11:00 sati.

Izvršena je kontrola načina uvezivanja ponuda, odnosno primjena propisane forme dostavljenih dokumenata i validnost ponuda, o čemu je sačinjen Zapisnik o otvaranju ponuda koji je dostavljen ponuđačima u zakonskom roku.

Komisija je utvrdila da u postupku nabavke, od strane ponuđača nije postavljeno niti jedno pitanje putem portala „ejn“, dok je putem e-mail-a, od strane ponuđača D.O.O. LALA I LAĆO BIJELJINA postavljeno jedno pitanje.

Tendersku dokumentaciju preuzelo je 11 ponuđača, prvu Izmjenu/dopunu tenderske dokumentacije 15 ponuđača, a drugu 5 ponuđača. Prispjele su dvije ponude, i to:

- R&S D.O.O. SARAJEVO i
- GRUPA PONUĐAČA: D.O.O. LALA I LAĆO BIJELJINA PREDSTAVNIK GRUPE PONUĐAČA I CONVERT D.O.O. ILIDŽA

Obje prispjele ponude su blagovremene i imaju sljedeće vrijednosti:

- R&S D.O.O. SARAJEVO u iznosu od 154.276,64 KM bez PDV-a i
- GRUPA PONUĐAČA: D.O.O. LALA I LAĆO BIJELJINA PREDSTAVNIK GRUPE PONUĐAČA I CONVERT D.O.O. ILIDŽA u iznosu od 168.771,00 KM bez PDV-a.

Komisija je pristupila provjeri kvalifikacije ponuđača u skladu sa minimalnim zahtjevanim kvalifikacionim uslovima koje ponuđač treba da ispunjava, a koji su traženi Tenderskom dokumentacijom.

Komisija je izvršila kontrolu dostavljene dokumentacije, način uvezivanja ponuda, primjenu propisane forme dostavljenih dokumenata, validnost ponude, njen potpis i ovjeru, računsku kontrolu te je izvršen pregled i provjera drugih dokumenata kao i uzoraka, tehničkih listova i konstatovano je da su obje ponude formalno-pravno ispravne, odnosno da su se stekli uslovi za zakazivanje e-aukcije.

E-aukcija je zakazana dana 02.07.2021. godine u 13:15 sati.

Nakon što je okončan postupak e-aukcije Komisija je održala sastanak 02.07.2021. godine u 15:00 sati i izvršila analizu Izvještaja o toku i završetku e-aukcije.

Prema Izvještaju o toku i završetku e-aukcije nije bilo podnošenja ponuda, odnosno konačne vrijednosti ponuda jednake su početnim, i to kako slijedi:

R.B	PONUĐAČ	Konačna cijena u KM bez PDV-a	Rang
1.	R&S D.O.O. SARAJEVO	154.276,64	1
2.	GRUPA PONUĐAČA: D.O.O. LALA I LAĆO BIJELJINA PREDSTAVNIK GRUPE PONUĐAČA I CONVERT D.O.O. ILIDŽA	168.771,00	2



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



Shodno utvrđenom činjeničnom stanju i kriteriju za dodjelu ugovora „najniža cijena“, a u skladu sa članom 70. Zakona o javnim nabavkama BiH („Sl. glasnik BiH“ broj 39/14), Komisija jednoglasno daje preporuku ministru MUP-a KS da donese odluku o dodjeli okvirnog sporazuma na dvije godine, za nabavku higijensko-potrošnog materijala za potrebe Ministarstva unutrašnjih poslova Kantona Sarajevo ponuđaču R&S d.o.o. Sarajevo u iznosu od 154.276,64 KM bez PDV-a.

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove odluke dopuštena je žalba koja se podnosi Ugovornom organu u roku od 10 (deset) dana od dana prijema Obavijesti, a u skladu sa članom 99. i 101. Zakona o javnim nabavkama BiH.



DOSTAVITI:

1. Ponuđačima x2;
2. Upravi podrške,
3. Komisiji,
- ④ 4. Kabinetu ministra - stručni savjetnik za odnose s javnošću i
5. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16

